

Kev Pab Nrog Saib Xyuas Vim Feeb Tsis Meej

(Dementia Conservatorship)

Probate Code Section 2356.5

Kev Pab Nrog Saib Xyuas Vim Feeb Tsis Meej Yog Dabtsi?

Kev Pab Nrog Saib Xyuas Vim Feeb Tsis Meej yog qhov uas ib tus thawj txiavtxim taw ib tus tibneeg los ua tus nrog txiavtxim siab tias tus tibneeg feeb tsis meej yuav mus nyob qhov twg. Tus tibneeg uas raug taw los ntawm tus thawj txiavtxim no yog hu ua tus nrog saib xyuas.

Kev Pab Nrog Saib Xyuas Vim Feeb Tsis Meej Yog Txhais Licas?

Lub Tsev Hais Plaub hais txog lub ntsiab lus ntawm kev feeb tsis meej hauv phau ntawv Diagnostic thiab Statistical Manual of Mental Disorders (DSM). Phau ntawv DSM-IV hais tias tus yamntxwv ntawm kev feeb tsis meej yog kev tsis nco qab thiab yam tsawg nrog ib yam hauv qab no: aphasia (Hais lus tomntej tomqab lawm), apraxia (lub cev ua tsis tau zog li lub siab xav lawm), agnosia (tsis nco qab tias tej yam ntawd yog dabtsi lawm) lossis tu-ncua txoj kev xav uas zoo (paub xav tias yam twg zoo thiab tsis zoo).

Kev feeb tsis meej muaj ntsis zoo li kev mob Alzheimer's, Parkinson's, Huntington's lossis HIV, thiab lwm yam.

Kuv muaj cai mus nyob qhov twg yog tias kuv raug Nrog Saib Xyuas Vim Feeb Tsis Meej?

- Koj muaj cai tau txais cov kev pabcuam mus nyob nrog lwm tus li uas tsimnyog rau koj.
- Tus nrog saib xyuas yuav tau coj koj mus nyob hauv (1) ib qhov chaw tu cov laus uas muaj kev tivthaiv zoo, lossis (2) ib lus tsev laus uas muaj kev tivthaiv zoo thiab luag muaj cov kev khomob thiab tu tshwjkeeb rau cov tibneeg uas muaj kev feem tsis meej.
- Luag coj koj **tsis tau** mus nyob rau hauv ib lub Tsev Khomob Teebmeem Kev Xav lossis ib lub Tsev Kho Cov Tibneeg Muaj Mob Teebmeem Kev Xav (IMD).

Thaum twg kuv thiaj li yuav raug Kev Pab Nrog Saib Xyuas Vim Feeb Tsis Meej?

Ib lub tsev hais plaub yuav taw ib tus los pab nrog saib xyuas vim feeb tsis meej rau koj thaum uas luag kuaj pom txhua yam meej thiab tseeb li hauv qab no:

- Luag kuaj pom tias koj muaj kev feeb tsis meej.
- Luag pom tias koj tsis muaj peevxwm los muab kev txiavtxim siab txog qhov chaw uas luag nquahu kom coj koj mus nyob.
- Luag pom tias koj muaj ib qhov kev tu-ncua hauv hlwb uas ua rau koj tsis muaj peevxwm totaub thiab pom txog tej xwmtxheej uas yuav tshwmsim vim qhov uas koj yuav ua ntawd.
 - Nws yuav zoo rau koj lossis koj yuavtsum tau muaj tus pab nrog saib xyuas li ntawd.
 - Lub tsev hais plaub pom tias nws yuav tsis muaj kev txwv ntau rau koj thiab nws yeej tsimnyog pab li ntawd rau koj lawm tiag.

Kuv yuav poob lwm txoj cai twg ntxiv hauv Kev Pab Nrog Saib Xyuas Vim Feem Tsis Meej?

Tus tibneeg pab nrog saib xyuas vim feem tsis meej lawm yuav tsocai rau luag txhaj tshuaj thiab muab tshuaj rau koj noj li uas tsimnyog. Ib lub tsev hais plaub yuavtsum tau kuaj pom txhua yam meej thiab tseeb li hauv qab no:

- Luag kuaj pom tias nws muaj kev feeb tsis meej.
- Luag pom tias nws tsis muaj peevxwm los muab kev tsocai txog kev txhaj tshuaj thiab noj tshuaj.
- Luag pom tias nws muaj ib qhov kev tu-ncua hauv hlwb uas ua rau nws tsis muaj peevxwm totaub thiab pom txog tej xwmtxheej uas yuav tshwmsim vim qhov uas nws yuav ua ntawd.



